

## ¡BOMBA!

Seguimos con el pendiente después de extensa reunión: hace falta Educación para acuerdo con la CNTE



# K'intsil

Jueves 29 de mayo de 2025

CAMPECHE · YUCATÁN · QUINTANA ROO · AÑO 10 · NÚMERO 2487 · [www.lajornadamaya.mx](http://www.lajornadamaya.mx)



## Isaac del Toroe' tu ti'alintaj u jaatsil 17 ti' u keetil Giro de Italia

/ p 20  
Oochel Reuters

Isaac del Toro láayli' u ja'ak'sik u yóol máak. Jmexicoil xi'ipale' máan táanil tu jaatsil 17 ichil u keetil Giro de Italia; yéetel le je'elo' leti' jp'áat u jo'olbes le keetilo', yéetel náachchaj ti' máax maas naats' u taal tu paach, j-ecuatoril Richard Carapaz.

Tu ts'ook súutuke', béeychaj u táanlachi'jal kex tumen ti' yaan ka'ach tu yóox múuch'il. J-ensenadail xi'ipale' tu ti'alintaj uláak' jump'éeel k'iin u nook'il Maglia Rosa, ka'alikil táan u binetik

kanjaats ti'al u ts'óokol keetil. Ts'óokole', leti'e' yáax jmexicoil máax u náajaltmaj jump'éeel etapa tu jo'olaj 23 ja'abo'ob.

Ba'ax tu béeykunsaj Isaace' úuch tu súutukil káaj u ya'alal yaan u káajal u ka'anal u píixo'ob te'el nojoch múulo'. Kex beyo', béeychaj u ka' ch'a'ak bej kex tumen tu pe'ertaj jayp'éeel segundos keetil yéetel le etapa tu beetaj anteso'.

Carapaze' tu ts'áajubáaj u chukpacht ti'al u ts'ook metrosil tu bejil

Bormio, ba'ale' Isaace' tu ch'a'aj u muuk' ti'al u máan táanil te'el italiail bejo'.

Tu jo'olaj jaats 17e', Del Toroe' tu much'aj 65 horas, 30 minutos yéetel 34 segundos, ts'óoke' lelo' ku chiikbesik 40 segundos táanilchaja'an ti' Carapaz.

Jfrancial, Romain Bardet, jp'áat tu ka' kúuchil yéetel tu yóoxp'éele' Carapaz.

Del Toroe' leti'e' pedalista maas táankelem u náajaltmaj jump'éeel etapa ichil le siglo yaniko'ona,

ba'ale' walkila' táan u binetik u yáalka'abtik uláak' 658 kilometros wa u k'áat p'áatal te'el yáax kúuchilo'. Beyxan leti'e' maas táankelem máax u béeykuns u p'a'atal ti' Maglia Rosa kex bolonp'éeel k'iino'ob, desde u ja'abil 1949.

Ti' le uláak' jaatso', jnat' biklaobe' yaan u chan je'elsikubáajo'ob ti' u na'aksiko'ob múul ba'ale' yaan u yáalka'abtiko'ob 144 kilómetros ichil Morbegno yéetel Cesano Maderno.